

Praktis 2 Syair Pohon Buluh

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Syair Pohon Buluh

Menara tinggi banyak bertingkat,
Di sana tiada bilik bersekat,
Tiada bertangga naik melekat,
Mata-mata *menjaga* segenap pangkat.

Yang ada sedia panji-panji bendera,
Hingga sampai ke kemuncak menara,
Banyak ada ia bersaudara,
Yang ada pula bersama gara.

Selalu dipandang dilihat adanya,
Tinggi rendah dijerat pangkatnya,
Besar kecil ikat binanya,
Terlalu kuat pula asasnya.

Ikatnya licin di luar di dalam,
Gelapnya di dalam seperti malam,
Air tak tiris seperti kolam,
Ikat tingkatnya tak nampak alam.

Dipetik daripada antologi *Kuingin Berterima Kasih*,
Tingkatan 1, Kementerian Pendidikan Malaysia

- 1 Apakah maksud perkataan *menjaga* dalam syair di atas?

A Menilai
B Mengintip
C Memeriksa
D Mengawal

Mentalsir Aros R

2

Terlalu kuat pula asasnya.

Berdasarkan pernyataan di atas, apakah peribahasa yang sesuai?

A Pantas macam kijang
B Kuat macam badang
C Besar macam gajah
D Licin macam belut

Mentalsir Aros R

- 3 Antara berikut yang manakah **bukan** bentuk syair ini?

A Terdiri daripada empat rangkap
B Bilangan baris dalam setiap rangkap tidak sama
C Mempunyai empat hingga enam patah kata sebaris
D Berbentuk terikat

Memahami: Menganalisis Aros S

- 4 Siapakah yang menjalankan tugas dengan adilnya dan saksamanya tanpa mengira pangkat dan darjat?

A Pihak berkuasa
B Ahli keluarga
C Saudara-mara
D Orang kaya

Memahami: Menganalisis Aros S

- 5 Pilih pernyataan yang **benar** tentang setiap anggota masyarakat dalam syair ini.

A Mereka menghargai pengorbanan generasi terdahulu.
B Mereka sentiasa berusaha untuk memajukan negara.
C Mereka tidak gentar untuk menghadapi segala dugaan yang mendatang.
D Mereka bertanggungjawab untuk menjaga imej dan keamanan daripada gangguan pihak luar.

Menganalisis: Menyusun Aros S